

20 DEC 2002

LICT SUMBANG LEBIH 5,000 BUKU KEPADA PERPUSTAKAAN

KUALA LUMPUR, 20 Dis (Bernama) -- Institut Teknologi Kreatif Limkokwing (LICT) hari ini menyumbang lebih 5,000 buah buku bertajuk "Wings of Creativity" dan "Inspiring Moments" hasil terbitan institut itu kepada Perpustakaan Negara di sini.

Buku-buku itu diserahkan oleh Pengerusi Lembaga Pengelola LICT, Tan Sri Prof Dr Awang Had Salleh kepada Ketua Pengarah Perpustakaan Negara Datuk Zawiyah Baba di Perpustakaan Negara.

LICT juga telah menyumbang sebanyak 14 buah buku "Wings of Creativity" yang mengimbas kembali pembangunan negara selama 20 tahun di bawah pimpinan Perdana Menteri Datuk Seri Dr Mahathir Mohamad, hasil nukilan pengasas kolej itu Tan Sri Lim Kok Wing, kepada perpustakaan awam negeri.

Sementara 5,222 naskah buku "Inspiring Moments" telah disalurkan kepada 1,213 perpustakaan awam, kementerian dan jabatan kerajaan.

Buku "Inspiring Moments" setebal 139 muka surat mendokumentasikan pengalaman para pelajar kolej itu, yang dihasilkan oleh pelajar jurusan Komunikasi Massa Kelas 2001 institut itu.

-- BERNAMA

HH HK HM